

ხელშეკრულება სახელმწიფო შესყიდვის შესახებ N04/07

გამარტივებული ელექტრონული ტენდერი აუქციონის გარეშე NAT170002802

ქ. თბილისი

4 აპრილი 2017 წელი

ერთი მხრივ, საქართველოს სასჯელაღსრულებისა და პრობაციის სამინისტრო (შემდგომში “შემსყიდველი”) წარმოდგენილი მინისტრის მოადგილის თეიმურაზ მღებრიშვილის სახით და მეორე მხრივ, შპს „თეგეტა მოტორსი“ (შემდგომში “მიწოდებელი”) წარმოდგენილი გენერალური დირექტორის თემურ კოხომის სახით, „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული წესის მე-19 მუხლის და გამარტივებული ელექტრონული ტენდერის აუქციონის გარეშე NAT170002802 საფუძველზე ვდებთ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს საქართველოს სასჯელაღსრულებისა და პრობაციის სამინისტროს ბალანსზე რიცხული ავტომობილისათვის ზაფხულის საბურავების შესყიდვა (CPV34300000).

2. შესყიდვის ობიექტი

2.1. შესყიდვის ობიექტია ავტომობილის ზაფხულის საბურავები.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს არაუმეტეს 1 200,00 (ერთი ათას ორასი ლარი და 00 თეთრი) ლარი.

3.2. ხელშეკრულების 3.1. ქვეპუნქტში აღნიშნულ ფასში შედის საქართველოს კანონმდებლობით გათვალისწინებული ყველა შესაბამისი მოსაკრებელი და გადასახადი.

3.3. შესყიდვის ობიექტის აღწერილობა, რაოდენობა და ერთეულის და საერთო ფასი განისაზღვრება წარმოდგენილი დანართი N1-ის შესაბამისად, რომელიც თან ერთვის წინამდებარე ხელშეკრულებას.

3.4. ხელშეკრულების 3.3. ქვეპუნქტში აღნიშნული დანართი N1 (1 ფურცელი) წარმოადგენს ხელშეკრულების განუყოფელ ნაწილს.

4. შესყიდვის ობიექტის ხარისხი, გარანტია, მიწოდების ვადები და ადგილი

4.1. შემოთავაზებული საბურავი უნდა იყოს:

ა) ახალი, მაღალი ხარისხის, ქარხნული წარმოების და მსოფლიოში აღიარებული ბრენდის, რომელიც იყიდება მსოფლიო ბაზარზე არანაკლებ 30 წელი;

ბ) საბურავის მწარმოებელს უნდა გააჩნდეს სტანდარტიზაციის საერთაშორისო ორგანიზაციის (ISO) “ISO-16949” და “ISO-9001” სერთიფიკატები;

გ) საბურავის ხარისხი უნდა დასტურდებოდეს ევროპის ეკონომიკური კომისიის მიერ (The Economic Commission of Europe „ECE“) გაცემული სერთიფიკატის ფლობით, რაც დადასტურებული უნდა იყოს ინგლისურ და ქართულ ენებზე ოფიციალურად ნათარგმნი შესაბამისი დოკუმენტის წარდგენით სატენდერო წინადადებასთან ერთად.

4.3. მიწოდებულ საქონელზე ვრცელდება საგარანტიო პირობები: სწორი ექსპლუატაციის პირობებში - გარბენი 50 000 კმ.

4.2. მიმწოდებელი ვალდებულია უზრუნველყოს საბურავის მიწოდების შემდგომ მისი დაყენება, ბალანსირება და თანმდევი მომსახურება ავტომობილზე.

4.4. თუ მიწოდებული საქონლის საგარანტიო ვადის ამოწურვამდე აღმოჩნდება ან გამოვლინდება ნაკლი ან/და დეფექტი, მიმწოდებელი ვალდებულია შემსყიდველის შეტყობინებიდან გონივრულ ვადაში უზრუნველყოს ნაკლიანი საქონლის ჩანაცვლება იდენტური პარამეტრების მქონე ახალი საბურავით.

4.5. საქონლის მიწოდება განხორციელდება ერთ ეტაპად, ხელშეკრულების ხელმოწერის დღიდან არაუგვიანეს 20 (ოცი) კალენდარული დღისა.

4.6. ხელშეკრულებით განსაზღვრული შესყიდვის ობიექტის მიწოდება და მონტაჟი უნდა განხორციელდეს მიმწოდებლის ფაქტიურ მისამართზე: ქ. თბილისი, აღმაშენებლის ხეივანი მე-12კმ, N5.

5. შესყიდვის ობიექტი მიღება-ჩაბარების წესი

5.1. შესყიდვის ობიექტის მიღება ფორმდება მიღება-ჩაბარების აქტით, რომელიც დასტურდება შემსყიდველისა და მიმწოდებლის მიერ შესაბამისი უფლებამოსილი წარმომადგენლების ხელმოწერებით.

5.2. შემსყიდველის მხრიდან ხელშეკრულების 5.1. ქვეპუნქტში აღნიშნული მიღება-ჩაბარების აქტის ხელმოწერაზე უფლებამოსილი პირები არიან ლოჯისტიკის დეპარტამენტის სატრანსპორტო უზრუნველყოფის სამმართველოს თანამშრომლები, ხოლო მიმწოდებლის მხრიდან დირექტორი ან მის მიერ უფლებამოსილი პირი.

6. ანგარიშსწორების პირობები

6.1. შესყიდვის ობიექტზე ანგარიშსწორება განხორციელდება ეროვნულ ვალუტაში.

6.2. ხელშეკრულებით განსაზღვრული შესყიდვის ობიექტის ღირებულების ანაზღაურება მოხდება უნაღლო ანგარიშსწორების ფორმით.

6.3. ანგარიშსწორების განხორციელებისათვის აუცილებელია 5.1. ქვეპუნქტში აღნიშნული მიღება-ჩაბარების აქტი, სასაქონლო ზედნადები და საგადასახადო ანგარიშ-ფაქტურა.

6.4. ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 6.3. ქვეპუნქტით განსაზღვრული დოკუმენტაციის წარდგენიდან არაუგვიანეს 10 (ათი) სამუშაო დღის ვადაში.

6.5. დაფინანსების წყარო: 2017 წლის სახელმწიფო ბიუჯეტი.

6.6. მიმწოდებელმა ანგარიშსწორების განხორციელებისათვის 6.3 ქვეპუნქტში მითითებული დოკუმენტაცია თუ არ წარუდგინა შემსყიდველს შესყიდვის ობიექტის მიწოდების დამთავრების დღიდან 3 (სამი) თვის განმავლობაში, მითითებულ ვადაში დოკუმენტაციის წარუდგენლობის შემთხვევაში მიმწოდებელი კარგავს შესყიდვის ობიექტზე და მონტაჟზე თანხის მოთხოვნის უფლებას შემსყიდველისათვის დოკუმენტაციის წარუდგენლობის გამო.

7. მხარეთა ვალდებულებები და უფლებები

7.1. შემსყიდველი ვალდებულია:

ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

ბ) უზრუნველყოს შესყიდვის ობიექტის მიღება.

7.2. შემსყიდველს უფლება აქვს:

ა) შეამოწმოს შესყიდვის ობიექტის ხარისხი ხელშეკრულებასთან და რაოდენობის შესაბამისობა დანართი N1-თან.

7.3. მიმწოდებელი ვალდებულია:

ა) მიაწოდოს შემსყიდველს ხარისხიანი შესყიდვის ობიექტი;

ბ) დაიცვას ხელშეკრულებით და დანართი N1-ში გათვალისწინებული ყველა პირობა;

გ) შემსყიდველს წარუდგინოს 6.3 ქვეპუნქტში მითითებული დოკუმენტაცია.

დ) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

7.4. მიმწოდებელს უფლება აქვს:

ა) მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8. მხარეთა პასუხისმგებლობა ხელშეკრულების დარღვევისას

8.1. ხელშეკრულების პირობების არაჯეროვანი/უხარისხო შესრულების შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.2. მიმწოდებელს შესყიდვის ობიექტის დაგვიანებით მიწოდების შემთხვევაში, ეკისრება პირგასამტეხლო ყოველ გადაგადაცილებულ დღეზე ხელშეკრულების საერთო ღირებულების 1 %-ის ოდენობით.

8.3 საგარანტიო პერიოდში შესყიდვის ობიექტზე აღმოჩენილი ნაკლის ან დეფექტის გამოსწორებისათვის თუ გადააცილა 10 სამუშაო დღეს მიმწოდებელს ეკისრება პირგასამტეხლო ყოველ გადაგადაცილებულ დღეზე ხელშეკრულების საერთო ღირებულების 1%-ის ოდენობით.

8.4. ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო ხელშეკრულების საერთო ღირებულების 10%-ის ოდენობით.

9. ხელშეკრულების მოქმედების ვადა

9.1. ხელშეკრულების მოქმედების ვადა განისაზღვრება ხელშეკრულებაზე ორმხრივად ხელის მოწერის დღიდან 2017 წლის 31 დეკემბრამდე ჩათვლით, ხოლო ხელშეკრულების მე-4 და 8.3 ქვეპუნქტით განსაზღვრულ ურთიერთობებზე ხელშეკრულება მოქმედებს გარანტიის ვადით.

10. ხელშეკრულების პირობების გადასინჯვის შესაძლებლობა

10.1. წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

11. დაუძლეველი ძალა (ფორს-მაჟორი)

11.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.

11.2. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს წერილობით ფორმით მიზეზის მითითებით, ან სატელეფონო შეტყობინებით, რომელიც უნდა დაადასტუროს შემდგომ წერილობითი ფორმით.

11.3. ფორს-მაჟორული გარემოების არსებობის ფაქტი დადასტურებული უნდა იყოს კომპეტენტური სახელმწიფო ორგანოს მიერ.

12. ხელშეკრულების ინსპექტირების პირობები

12.1. შესყიდვის ობიექტის მიწოდების პარალელურად შემსყიდველი უფლებამოსილია განახორციელოს ინსპექტირება და წარმოადგინოს ინსპექტირების აქტი მიღება-ჩაბარების აქტის გაფორმებიდან არაუგვიანეს 5 (ხუთი) კალენდარული დღისა.

12.2. ინსპექტირების აქტში მითითებული უნდა იყოს შესყიდვის ობიექტის რაოდენობა და აღმოჩენილი ნაკლი (იმ შემთხვევაში თუ ნაკლი ხილვადია).

12.3. ვიზუალური დათვალიერების დროს, ხილვადი დეფექტის ან/და ნაკლის აღმოჩენის შემთხვევაში, შემსყიდველი ვალდებულია დაუყოვნებლივ წერილობით ან/და სატელეფონო კავშირით შეატყობინოს მიმწოდებელს აღმოჩენილი დეფექტის, ნაკლის შესახებ და მოსთხოვოს შეცვლა თავისი ხარჯით.

12.4. ინსპექტირების აქტის საფუძველზე საჭიროების შემთხვევაში ჩატარდება შესყიდვის ობიექტზე ექსპერტიზა.

12.5. შემსყიდველის მხრიდან ხელშეკრულების შესრულების კონტროლს განახორციელებს მინისტრის მიერ უფლებამოსილი პირი.

13. ხელშეკრულების შეწყვეტა

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლის მიერ ვალდებულების შეუსრულებლობის ან არაჯეროვნად შესრულების შესახებ წერილობითი ან/და სატელეფონო შეტყობინების შემდეგ, თუ:

ა) მიმწოდებელს ხელშეკრულებით გათვალისწინებულ ვადაში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება.

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

გ) შესყიდვის ობიექტი აღმოჩნდა უხარისხო;

დ) ხელშეკრულების ვადის გასვლის საფუძველზე;

13.2. ურთიერთ შეთანხმების საფუძველზე;

13.3. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

13.4. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ერთი მიმწოდებელთან და ორი შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

16. მხარეთა რეკვიზიტები

„შემსყიდველი“	„მიმწოდებელი“
საქართველოს სასჯელაღსრულებისა და პრობაციის სამინისტრო მის: ქ. თბილისი, სანდრო ეულის ქ. N3 ს/კ 204564934 სახელმწიფო ხაზინა კოდი: ს/კ 220101222; ა/ა 200122900 მინისტრის მოადგილე  /თეიმურაზ მღებრიშვილი/	შპს „თეგეტა მოტორსი“ ქ. თბილისი, აღმაშენებლის ხეივანი მე-12კმ, N5 ს/კ 202177205 ს/ს „თიბისი ბანკი“ ბ/კ TBCBGE22 ა/ა GE80TB0600000024467853 ტელ: +995 32 2 264444 გენერალური დირექტორი  /თემურ კობიძე/

ფასების ცხრილი

N	შესყიდვის ობიექტი (ბრენდი ან/და მოდელი)	შესყიდვის ობიექტის აღწერილობა/ზომა	შემოთავაზებული საჭიონოს შეარმოებელი ქვეყანა, შეარმოებული კომპანია და მოდელი	განზომილების ერთეული	რაოდენობა	ერთეულის ფასი	საერთო ფასი	საგარანტიო ვადა
1	2	3	4	5	6	7	8	9
	ზაფხულის საბურავი 255/40 R-19	255/40 R-19	თუქეთი/Petlas/ 1	ცალი	4	300	1200	არანაკლებ 50000 კმ ნორმალური ექსპლუატაციის პირობებში

შესყიდვის ობიექტის მიწოდების ვადები: საჭიონოს მიწოდება განხორციელდება ერთიანად ხელშეკრულების დადების დღიდან - 20 (ოც) კალენდარულ დღეში.

შესყიდვის ობიექტის მიწოდების ადგილი: მიმწოდებელი ვალდებულია უზრუნველყოს საბურავის მიწოდების შემდგომ მისი დაყენება დაბ ალ ანსირება მიმწოდებლის სერვის(ცენტრში

სავალდებულო მოთხოვნა: საბურავი უნდა იყოს ახალი, უმაღლესი ხარისხის, ქარხნული და საერთაშორისო სტანდარტებთან შეესაბამისი.

მიმწოდებელმა დაუყოვნებლივ უნდა უზრუნველყოს ინსპექტირების შედეგად გამოვლენილი ნებისმიერი ნაკლის, წუნის ან სხვა დეფექტის მქონე საბურავის შეცვლა ახალი იდენტური პარამეტრების მქონე საბურავით საკუთარი სახსრებით

შპს "თეგეტა მოტორსი"-ს
გენერალური დირექტორი

თემურ კოხოძე